

জাহাঙ্গীরনগর বিশ্ববিদ্যালয়
সাভার, ঢাকা।


নং- জাবি/রেজি:গ্রা:নি:/ ২১০৯

তারিখঃ ৩০-১০-২০১৭

সিনেটে রেজিস্টার্ড গ্র্যাজুয়েট প্রতিনিধি নির্বাচন সংক্রান্ত বিজ্ঞপ্তি

এতদ্বারা সংশ্লিষ্ট সকলের অবগতির জন্য জানানো যাচ্ছে যে, জাহাঙ্গীরনগর বিশ্ববিদ্যালয় এ্যাক্ট ১৯৭৩-এর ১৯(১)(আই) ধারা অনুযায়ী এই বিশ্ববিদ্যালয়ের সিনেটে ২৫ জন রেজিস্টার্ড গ্র্যাজুয়েট প্রতিনিধি নির্বাচনের তারিখ ইতোমধ্যে ঘোষণা করা হয়েছে। রেজিস্টার্ড গ্র্যাজুয়েট সেল কর্তৃক ২০-১০-১৭ তারিখে প্রকাশিত চূড়ান্ত তালিকায় অন্তর্ভুক্ত রেজিস্টার্ড গ্র্যাজুয়েট সদস্যগণই উক্ত নির্বাচনে অংশগ্রহণ করতে পারবেন। নির্বাচনের জন্য নিম্নরূপ নির্বাচনী তফসিল ঘোষণা করা হলোঃ

১. প্রাথমিক ভোটার তালিকা প্রকাশের তারিখ : ৩১-১০-২০১৭ (মঙ্গলবার) (www.juniv.edu এবং www.ju-regigrauate.org)
২. প্রাথমিক ভোটার তালিকা সংশোধনের তারিখ ও সময়সীমা : ০১-১১-২০১৭ তারিখ সকাল ১০.০০টা হতে ০৫-১১-২০১৭ তারিখ বিকাল ৪.০০টা পর্যন্ত (regigrauate@juniv.edu অথবা সরাসরি নিজে রিটার্নিং অফিসারের মাধ্যমে)
৩. চূড়ান্ত ভোটার তালিকা প্রকাশের তারিখ : ০৭-১১-২০১৭ (মঙ্গলবার) (www.juniv.edu এবং www.ju-regigrauate.org)
৪. মনোনয়নপত্র সংগ্রহ এবং জমাদানের তারিখ ও সময়সীমা : ০৯-১১-২০১৭ সকাল ১০.০০টা হতে ১৪-১১-২০১৭ তারিখ বিকাল ৪.০০টা পর্যন্ত (রিটার্নিং অফিসার / সহকারী রিটার্নিং অফিসারের অফিস, শুক্রবার ও শনিবারসহ)
৫. মনোনয়নপত্র বাছাইয়ের তারিখ, সময় ও স্থান : ১৬-১১-২০১৭ (বৃহস্পতিবার), সকাল ১১.০০ টা, সিনেট হল
জাহাঙ্গীরনগর বিশ্ববিদ্যালয়
৬. প্রাথমিক প্রার্থী তালিকা প্রকাশের তারিখ : ২০-১১-২০১৭ (সোমবার) (রিটার্নিং অফিসারের নোটিশ বোর্ড এবং www.juniv.edu এবং www.ju-regigrauate.org)
৭. প্রার্থীতা প্রত্যাহারের শেষ তারিখ ও সময়সীমা : ২৮-১১-২০১৭ (মঙ্গলবার) সকাল ৯.০০ টা হতে দুপুর ২.০০ টা পর্যন্ত
৮. চূড়ান্ত বৈধ প্রার্থী তালিকা প্রকাশের তারিখ : ২৯-১১-২০১৭ (বুধবার), রিটার্নিং অফিসারের নোটিশ বোর্ড,
www.juniv.edu এবং www.ju-regigrauate.org এবং ২ টি জাতীয় দৈনিক পত্রিকায় (১টি বাংলা এবং ১টি ইংরেজি)
৯. ভোট কেন্দ্র : জাহাঙ্গীরনগর বিশ্ববিদ্যালয়ের নতুন কলা ও মানবিকী অনুষদ ভবন এবং
সমাজবিজ্ঞান অনুষদ ভবন (মোট ২ টি কেন্দ্র)
১০. নির্বাচনের তারিখ ও সময় : ৩০-১২-২০১৭ (শনিবার), সকাল ৯.০০টা হতে বিকেল ৪.০০টা পর্যন্ত



৩০/১০/২০১৭
(অধ্যাপক শেখ মোঃ মনজুরুল হক)


কোষাধ্যক্ষ ও রিটার্নিং অফিসার
সিনেটে রেজিস্টার্ড গ্র্যাজুয়েট প্রতিনিধি নির্বাচন -২০১৭
জাহাঙ্গীরনগর বিশ্ববিদ্যালয়

সিনেটে রেজিস্টার্ড গ্র্যাজুয়েট প্রতিনিধি নির্বাচন সংক্রান্ত প্রাসঙ্গিক নিয়মাবলী সংযুক্ত।

সিনেটে রেজিস্টার্ড গ্র্যাজুয়েট প্রতিনিধি নির্বাচন সংক্রান্ত প্রাসঙ্গিক নিয়মাবলিঃ

১. সিনেটে রেজিস্টার্ড গ্র্যাজুয়েট প্রতিনিধি নির্বাচনের লক্ষ্যে চূড়ান্ত রেজিস্টার্ড গ্র্যাজুয়েটগণের তালিকা অগ্রণী ব্যাংকের জাহাঙ্গীরনগর বিশ্ববিদ্যালয় শাখায় রেজিস্টার্ড গ্র্যাজুয়েট হিসাব নম্বর (০২০০০১০৭৯২২৮৩) এর অনুকূলে ২৫০০/- (দুই হাজার পাঁচশত মাত্র) টাকা জমা দিয়ে জমাদানের রশিদ প্রদর্শনপূর্বক অফিস চলাকালীন রেজিস্টার্ড গ্র্যাজুয়েট সেল হতে পুস্তক আকারে সংগ্রহ করা যাবে।
২. চূড়ান্ত ভোটার তালিকাভুক্ত যে কোনো রেজিস্টার্ড গ্র্যাজুয়েটকে এই নির্বাচনে প্রার্থী হওয়ার জন্য অগ্রণী ব্যাংকের জাহাঙ্গীরনগর বিশ্ববিদ্যালয় শাখায় রেজিস্টার্ড গ্র্যাজুয়েট হিসাব নম্বর (০২০০০১০৭৯২২৮৩) এর অনুকূলে ৫,০০০/- (পাঁচ হাজার) টাকা জমা দিয়ে বিশ্ববিদ্যালয় কর্তৃপক্ষ কর্তৃক অনুমোদিত মনোনয়নপত্র অফিস চলাকালীন রিটার্নিং অফিসার/সহকারী রিটার্নিং অফিসারের নিকট হতে সংগ্রহ করতে হবে। সদ্য তোলা দুই কপি পাসপোর্ট আকারের ছবি, প্রার্থীর সংক্ষিপ্ত জীবনবৃত্তান্ত ও টাকা জমাদানের রশিদ নম্বর উল্লেখপূর্বক চূড়ান্ত ভোটার তালিকায় অন্তর্ভুক্ত এই বিশ্ববিদ্যালয়ের একজন রেজিস্টার্ড গ্র্যাজুয়েট কর্তৃক প্রস্তাবিত এবং অন্য একজন রেজিস্টার্ড গ্র্যাজুয়েট কর্তৃক সমর্থিত ও সঠিকভাবে পূরণকৃত মনোনয়নপত্র তফসিলে বর্ণিত নির্বাচন তারিখের ৪৫ দিন পূর্বে রিটার্নিং অফিসার/সহকারী রিটার্নিং অফিসারের নিকট অফিস চলাকালীন দাখিল করতে হবে।
৩. একজন প্রস্তাবক/সমর্থক সিনেটে ঘোষিত সর্বাধিক শূন্য পদের সমান সংখ্যক প্রার্থীকে প্রস্তাব/সমর্থন করতে পারবেন। একই ব্যক্তি যে কোন একজন প্রার্থীর জন্য প্রস্তাবক ও সমর্থক হতে পারবেন না।
৪. রিটার্নিং অফিসার তফসিলে বর্ণিত তারিখ ও সময়সীমার মধ্যে দাখিলকৃত সকল মনোনয়নপত্র প্রার্থীর/তার দ্বারা লিখিতভাবে মনোনীত প্রতিনিধির উপস্থিতিতে (যদি থাকে) যাচাই-বাছাই করে একটি প্রাথমিক তালিকা প্রকাশ করবেন।
৫. রিটার্নিং অফিসার কর্তৃক ঘোষিত তফসিলে বর্ণিত তারিখ ও সময়সীমার মধ্যে যে কোনো প্রার্থী রিটার্নিং অফিসারের নিকট নিজ স্বাক্ষরিত আবেদনের মাধ্যমে অথবা তার মনোনীত প্রতিনিধি (এই বিশ্ববিদ্যালয়ের শিক্ষক/রেজিস্টার্ড গ্র্যাজুয়েট)-এর মাধ্যমে প্রার্থীতা প্রত্যাহার করতে পারবেন।
৬. রিটার্নিং অফিসার নির্বাচনের জন্য বৈধ ঘোষিত প্রার্থীগণের ছবি ও সংক্ষিপ্ত জীবনবৃত্তান্তসহ প্রণীত প্রার্থী তালিকা নির্বাচনের অন্তত: ৩০ দিন পূর্বে রিটার্নিং অফিসারের নোটিশ বোর্ডে, বিস্তারিত তথ্যসহ এই সংক্রান্ত লিংক (www.juniv.edu এবং www.ju-regigraduate.org) বহল প্রচারিত জাতীয় দৈনিক পত্রিকায় (১টি বাংলা এবং ১টি ইংরেজি) প্রকাশ করবেন।
৭. নির্বাচনের জন্য নির্ধারিত তারিখে ভোটারগণকে ব্যক্তিগতভাবে নির্দিষ্ট ভোটকেন্দ্রে উপস্থিত হয়ে ভোটকেন্দ্রের দায়িত্বপ্রাপ্ত কর্মকর্তার নিকট হতে জাহাঙ্গীরনগর বিশ্ববিদ্যালয় রেজিস্টার্ড গ্র্যাজুয়েট সেল কর্তৃক প্রদত্ত ভোটার আইডি প্রদর্শন করে ব্যালট পেপার সংগ্রহপূর্বক ভোট প্রদান করতে হবে।
৮. এই নির্বাচনের পূর্ববর্তী ৬ (ছয়) বৎসরের মধ্যে আদালত কর্তৃক দেউলিয়া ঘোষিত অথবা নৈতিক অসচ্ছরিত্রতার জন্য বৈধ কর্তৃপক্ষ কর্তৃক দোষী সাব্যস্ত কোনো নিবন্ধনকৃত গ্র্যাজুয়েট নির্বাচনে ভোট দিতে/প্রার্থী হতে পারবেন না।
৯. মিথ্যা তথ্য দিয়ে জাল ভোট প্রদানের চেষ্টা করলে -
 - ক) জাহাঙ্গীরনগর বিশ্ববিদ্যালয়ের 'রেজিস্টার্ড গ্র্যাজুয়েট' নন এমন অথবা বহিঃস্থ ব্যক্তির ক্ষেত্রে দেশের প্রচলিত আইনে ব্যবস্থা গ্রহণ করা হবে এবং
 - খ) জাহাঙ্গীরনগর বিশ্ববিদ্যালয়ের 'রেজিস্টার্ড গ্র্যাজুয়েট' হলে বিশ্ববিদ্যালয় কর্তৃপক্ষ 'রেজিস্টার্ড গ্র্যাজুয়েট' হিসাবে তার নিবন্ধন স্থায়ীভাবে বাতিল করার প্রয়োজনীয় ব্যবস্থা গ্রহণ করবে।

১০. প্রত্যেক ভোটার তফসিলে ঘোষিত প্রতিটি আসন সংখ্যার বিপরীতে একটি করে সর্বোচ্চ ২৫ টি ভোট দিতে পারবেন, ২৫ টির বেশি ভোট দিলে উক্ত ব্যালট বাতিল বলে গণ্য হবে।
১১. ব্যালটে কাটাকাটি বা ঘষামাজার কারণে কোনো ভোটার উক্ত ব্যালট ফেরত দিলে ভোট কেন্দ্রের প্রিজাইডিং অফিসার সংশ্লিষ্ট ভোটারকে শুধু একবার নতুন ব্যালট ইস্যু করতে পারবেন।
১২. সিনেটে রেজিস্টার্ড গ্র্যাজুয়েট প্রতিনিধি নির্বাচন সংক্রান্ত সংবিধির বিধান ব্যতীত অন্য কোনোভাবে প্রত্যায়িত অথবা শূন্য আসন সংখ্যার চেয়ে অধিক ভোট প্রদান করা হলে অথবা সম্পূর্ণরূপে ফাঁকা (blank) ব্যালট জমা দেয়া হলে উক্ত ব্যালট বাতিল বলে গণ্য হবে। ভোট প্রদানের জন্য ব্যালট পেপারের যথাস্থানে নির্দিষ্ট চিহ্ন ব্যতীত অন্য কোনো চিহ্ন দেয়া অথবা ভোট চিহ্নের উপর ঘষামাজা করা হলে উক্ত ভোটটি/ভোটগুলি বাতিল বলে বিবেচিত হবে।
১৩. শুধু উপাচার্য, প্রো-উপাচার্য, রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার, পোলিং অফিসার, স্ট্রুটিনিয়ার ও রিটার্নিং অফিসার কর্তৃক অনুমোদিত কর্মকর্তা/কর্মচারি এবং প্রার্থী নিজে/অথবা তাঁর কর্তৃক লিখিতভাবে নিয়োগকৃত মাত্র একজন করে এজেন্ট (রেজিস্টার্ড গ্র্যাজুয়েট) ব্যালট স্ক্রুটিনি এবং ভোট গণনার স্ক্রুটিনি/গণনা কক্ষে উপস্থিত থাকতে পারবেন।
১৪. সর্বাধিক ভোটপ্রাপ্তির ক্রমানুসারে ২৫ (পঁচিশ) জন প্রার্থীকে নির্বাচিত বলে গণ্য করা হবে।
১৫. একাধিক প্রার্থী সমান সংখ্যক ভোট পাওয়ার কারণে মোট সম্ভাব্য বিজয়ী প্রার্থীর সংখ্যা ২৫ জনের অধিক হলে ভোট গণনা সমাপ্তির পর পরই রিটার্নিং অফিসার লটারির মাধ্যমে (টসে নয়) ২৫তম পর্যন্ত বিজয়ী প্রার্থী নির্ধারণ করে ফল ঘোষণা করবেন।
১৬. প্রাপ্ত ভোটের ফলের ভিত্তিতে উপাচার্যের অনুমোদনক্রমে রিটার্নিং অফিসার সাময়িক ফল ঘোষণা করবেন।
১৭. নির্বাচনের সাময়িক ফল ঘোষণার ৩ (তিন) কর্মদিবসের মধ্যে উক্ত নির্বাচন পরিচালনার দায়িত্বে নিয়োজিত প্রিজাইডিং অফিসার অথবা রিটার্নিং/সহকারী রিটার্নিং অফিসারের যেকোন সিদ্ধান্তের বিরুদ্ধে অথবা নির্বাচনে অনিয়ম/দুর্নীতি সম্পর্কে উপাচার্যের নিকট যেকোনো প্রার্থী লিখিতভাবে আপিল করতে পারবেন। উপাচার্য এইরূপ আপিলের আবেদন পাওয়ার ৭ (সাত) দিনের মধ্যে সংশ্লিষ্ট প্রার্থী বা তার প্রতিনিধিকে শুনানির জন্য ডাকবেন এবং অনধিক ১০ (দশ) কর্মদিবসের মধ্যে আপিল সম্পর্কে চূড়ান্ত রায় প্রদান করবেন।
১৮. সাময়িক ফল ঘোষণার পর নির্দিষ্ট তারিখের মধ্যে কোনো আপিল পেশ না করা হলে ৩ (তিন) কর্মদিবস পর নির্বাচনের ফল চূড়ান্ত বলে গণ্য হবে। তবে সাময়িক ফল ঘোষণার পর নির্দিষ্ট সময়সীমার মধ্যে কোনো প্রার্থী কর্তৃক আপিল পেশ করা হলে উক্ত আপিল সম্পর্কে উপাচার্য কর্তৃক চূড়ান্ত রায় প্রদানের পরই নির্বাচনের ফল চূড়ান্ত বলে গণ্য হবে। সকল প্রক্রিয়া সম্পন্ন করার পর রিটার্নিং অফিসার বিজ্ঞপ্তির মাধ্যমে আনুষ্ঠানিকভাবে রেজিস্টার্ড গ্র্যাজুয়েট সদস্যগণের প্রতিনিধি হিসাবে নির্বাচিত ২৫ (পঁচিশ) জন সিনেট সদস্যের তালিকা প্রকাশ এবং প্রচারের ব্যবস্থা গ্রহণ করবেন।


৩০/১০/২০১৭

(অধ্যাপক শেখ মোঃ মনজুরুল হক)
কোষাধ্যক্ষ ও রিটার্নিং অফিসার
সিনেটে রেজিস্টার্ড গ্র্যাজুয়েট প্রতিনিধি নির্বাচন -২০১৭
জাহাঙ্গীরনগর বিশ্ববিদ্যালয়